

“Moea o etsang sebe o tla shoa” (Ezekiele 18:4). “Ha re re ha re na sebe rea ithetsa, 'me 'nete ha e eo ho rona. Ha re ipolela libe tsa rona, oa tšepaha 'me o lokile ho re tšoarela libe tsa rona le ho re hloekisa bokhopong bohle — mali a Jesu Kreste Mor'a Oona, a re hloekisa libeng tsohle! (1 Johane 1:7-10).

### MOLIMO O RATA BAETSALIBE

Molimo o rata moetsalibe, empa o hloile sebe. O thahasella ho arohanya moetsalibe le sebe. Jesu ha a ka a tlela ho tla bitsa ba ipitsang ba lokileng (ka bo bona), empa o tletse baetsalibe hore ba bake (Matt. 9:13). O tletse ho tla batla le ho pholosa ba lahlehileng. “Re sale baetsalibe, Kreste a re shoela” (Ba-Roma 5:8). Johane Mokolobetsi, ha a bona Jesu a e-tla a re: “Bonang ke Konyana ea Molimo e tlosang LIBE tsa lefatše,” Ha a ea tlela feela ho tla re tšoarela libe tsa rona, empa ho tlosa libe tsa rona, ho re lokolla matleng a sebe le pusong ea sona, ho re lokolla molaong oa sebe, o re tlamellang ho etsa seo re sa rateng ho se etsa, 'me o re thibelang ho etsa bottle boo re ratang ho bo etsa.

Ke ntho e ntle hakakang ha monna (kapa mosali) a tla sebakeng seo a eelloang ho sona hore ke moetsalibe ea lahlehileng le hore o sitoa ho itokolla. O tla lla “Oho ke motho ea soto hakaakang! Ke mang ea tla itokolla . . . ? (Ba-Roma 7:18-25). Ka ho talima ho Jesu, ea jereng libe tsa motho eo le mafu a hae 'meleng oa Hae sefapanong, a ka ba le hona ho re: **Ke leboha Molimo ka Jesu Kreste,**” hobane molao oa Moea oa bophelo o ho Jesu Kreste o ntokolotse molaong oa sebe (ho kuleng) le lefung, (Ba-Roma 8:2).

“Me joale sebe se se ke sa busa 'meleng ea lona e shoang, ho re le se utloe litakatsong tsa sona, . . . hobane sebe se ke ke sa

le busa, ka hobane ha le pusong ea molao, empa le le pusong ea mohau. (Ba-Roma 6:12-14) tumelo ea rona ho Jesu Kreste ke tlhoho e hlōlang lefatše. Ke mang ea hlōlang lefatše (le sebe sa lona), ke ea lumelang hore Jesu ke Mora oa Molimo, ea tlositseng libe a li jara 'meleng oa Hae sefapanong (1 Johane 5:3-5, 12, 18).

Jesu ha a ea tlela feela ho re pholosa ka mali a Hae le ho re hloekisa sebeng sohle, o tlele hape ho tla re Kolobetsa ka Moea o Halalelang le ka mollo, ho re apesa ka matla a tsoang holimo. O etsa hore re hlōle sebe, nama le Satane 'me o re fa mofapahloho oa bophelo le oa khanya (Jakobo 1:12, 1 Petrose 5:4, Tsenolo 2:10; 3:11).

“Ea hlōlang ke tla mo fa ho lula le 'na teroneng ea ka, joaleka ha le 'na ke hlōtse, 'me ke lutse le Ntate Teroneng ea Hae.” (Tsenolo 2:7, 11, 17, 26, 3:5, 12, 21)


“Me drakone e kholo, e leng noha ea khale, e bitsoang diabolose le Satane e thetsang lefatše kaofela, ea akhelo a letšeng la mollo le sebabole . . . 'me ba tla hlokofofatsa motšehare le bosiu, ka ho sa feleng.” (Tsenolo 12:9, 20:10).

“Eaba Jehova o re ho Moshe: Etsa noha e chesang, u e fanyehhe sefateng, e mong le e mong ea lomiloeng, ea tlang ho e taiima, o tla phela . . . 'me e mong le e mong ea lomiloeng ke noha ha a talima noha ea Koporo, o ne a PHELA.” . . . (Numere 21:8, 9).

“Me joaleka ha Moshe a ne a fanyehhe noha feelleng, Mor'a motho e ka khona a fanyehoe joalo: hore e mong le e mong (Uena le 'na) ea lumelang ho eena a se ke a timela a mpe a be le bophelo bo sa feleng.” (Johane 3:14-16).

**E BA LE TUMELO HO MOLIMO.** “Lumela ho Morena Jesu, 'me u tla bolokeha, uena le ba ntlo ea hao. (Liketso 16:31).

J.R. Gschwend



The popular “Heart Book” with its soul-saving message is obtainable in over 500 languages. Many have found salvation even just by looking at the pictures.

Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

For free Gospel literature, books and tracts in over 540 languages, write to:

EMAIL: info@angp.co.za

**ALL NATIONS GOSPEL PUBLISHERS**

**P.O. Box 2191, PRETORIA, 0001, R.S.A.**

(A Gospel Literature Mission financed by donations)

(Reg. No. 1961/001798/08)

Moea o etsang sebe, o tla shoa. Ezek. 18:4.



Re sa le baetsalibe Kreste a re shoela.

Ba-Roma 5:8.

SESOTHO – “Snake Guide”

## TOKOLOHO SEBENG LE TAHLEHONG

Sebe ke maikutlo afe kapa afe, lentsoe tšito ea ketso kapa takatso tse hananang le molao oa Molimo, takatso ea ho etsa, kapa tšito molaong oa Molimo. Ke ho koenehela Molimo o Halalelang, kapa 'mopi. Ke ntho e tšabehang, e mpe, bo noha ba lefu. Joaleka ha ho longoa ke noha ho isa lefung, eseng feela ho shoa ha 'mele, empa le karohano ea bo-sa-feleng le Molimo esita le khanya ea Oona.

Re tšoanela ho talima sebe joaleka ha se hlile se eme boleng ba sona, hantle feela joaleka ha Molimo o se talima, empa e se joaleka ha se talingoa ke Satane, moqali oa bokhopo, a ka etsa hore re se talime joaleka ha a se talima. Satane, eo e leng raleshano ho tloha tšimolohong, o beha sebe ka tsela eo e kang ea makatsa, o etsa hore e ke se monate le hore se be le tsela ea ho leka, ke ka lebaka leo e bang batho ba hapeha ke sona habonolo. Haeba batho ba ka bona boemo ba sebe hantle joaleka ha se eme, ba ka se hloea, ba se nyonya, ba se balehela, kapa le hona ho leka ho se bolae ka tsela eo ba bolaeang noha ha e le ntlong ea bona. Sebe ke ntho e tšabehang e ipatang. Ke ntho e senyang sebopelo sa batho esita le sechaba sohle. Ke sera sa sebele sa rona e bile ke sera se sehlōhō.

Ke bothoto bo phethahetseng ha motho a hopola hore a ka bapala ka sebe, hobane ka nakoana e se kae feela se tla u loma e be se u ntša kotsi ka nako e itseng se qetelle se u sentse ho isa bo-sa-feleng.

Molebeli e mong tulong ea linoha Port Elizabeth, motho ea matla, o kile a tla mosebetsing a nyorolotse e le maria hoseng. Linoha li ne li hloentse ke serame li kokobane. Motho enoa a nka e 'ngoe ea linoha tse kotsi haholo a e kenya ka har'a hempe a e beha sefubeng ho e futhumatsa. “Uena nthoana ea batho,” a rialo, “Ke tla u futhumatsa.” A e penyeletsa sefubeng sa hae. Noha ea futhumala 'me sebakeng sa teboho, ea mo loma! ka halofo ea hora feela a be a shoele, leha a lekilo e ka liente ke ngaka. Pele ho moo ke ne nkile ka buoa le eena hore a nehele bophelo ba hae ho Molimo, ka ba ka mo eletsa hore a se ke a 'na a bapala le linoha, empa a se ke a mamela. U ke ke ua jara sebe ua se beha sefubeng sa hao eaba ha u longoe!

Ha se ntho e makatsang ha Molimo o hloile sebe ka hloeo ea sebele-bele, hobane se senya botho se bile se senya le tlhohleho

ea Molimo, se e ise masoabing, le mahlokong. Se ile sa etsa hore Jesu Kreste Mora oa Molimo a shoe, sefapanong sa Golgotha. Pele ho ho fumanoa ha Lentsoe la Molimo, ka lerato la Oona le lehlo, o ile oa etsa morero o phethahetseng le tokoloho ea motho sebeng, lefung le ho shoeng. Jesu, Mora a inotši, o ile a etsoa sebe sebakeng sa rona, e le hore re fetohle ba lokileng ba Molimo ka ho lumela ho Eena le sehlabeledong sa lefu la hae Golgotha. Sebe se sebe, sea silafatsa, se ea kulisa, se sehlōhō, se ea ikhohomosa, se etsa motho lekhoba se hlokofofatsa eo se mo tšoereng, bosiu le motšhare, se qetelle se huletse motho lihelong tsa bo-sa-feleng. Ha eba re etsa mohlala, a k'u talime seo joala bo se etsang ho motho, ea entsoeng setsoantšong sa Molimo. Se mo etsa hore e be Pikoko, e be Tšoene, e be Tau, qetellong e be Fariki.




Ha motho a noele ho se ho kae, moea oa boikhohomoso, oa boithatelo o se o mo tlela. O senya chelete empa bana le mosali oa hae ba lapa. O noa haholo a ntoo qala ho ithorisa e be o itšoara joaleka Tšoene. O tsoela pele ho noa e be o ikutloa a le matla a le sebete joaleka Tau, a ka loantsa mang kapa mang, oa otlala kapa a be a bolae leha e le baratuoa ba hae.

Mollo oo oa lino o noang o eketsa lenyora la hae o ama maikutlo a hae. Hloho ea hae e qale ho tsokotseha e be oa thekesela, qetellong a tlolele seretseng joaleka Kolobe. Motho eo o tla ea fella mollong o sa feleng oa lihele, haeba ka mohau oa Molimo, a ke ke a baka a batla Molimo eaba o fumana ho Jesu Kreste tokoloho sebeng le bophelong bo bocha.


(A ku' bale hle Buka ea Molimo Ba-Galata 5:19-21; Tsenolo 21:8).

“Bohle ba sitiloe 'me ha ba tšoaneloe ke khanya ea Molimo. Ha ho ea lokileng leha a le mong” (Ba-Roma 3:10, 23).



Molimo o entsse bohlae ba lefatše lena bohlanga  
*I Ba-Kor. 1:20*

BOHLALE BA LEFATŠE



Noha ea khale e leng diabolose ea thetsang lefatše lohle  
*Tsenolo 12:9*

ANTIKRESTE MOLIMO OA LEFATŠE LENA




Etsoe e le ba khopo le ba bolotsana kaofela ha bona  
*Esaia 9:17*

MOLIMO O HLOILE BOIKAKETSI



Ke motho ea pelo tse peli, ea lika-likang metsamaong ea hae eohle.  
*Jakobo 1:8.*

MAIKUTLO A MABELI A PELO TSE PELI



Molimo o tla ahlola babōki le bafebi  
*Ba-Heberu 13:4*

HO BA NAMENG LERATO LA LEFATŠE



Ha ho letaoa le tla ja lefa la 'muso oa' Molimo  
*I Ba-Kor.6:10*

BOTAOA



Hobane lerato la chelete ke motso oa bokhopo  
*I Tim. 6:10*

LERATO LA CHELETE — MEHARO


# LE TLA LOKOLLOA

Johanne 8:33



BOLOI. BONOHE.  
*Deut. 18:10-22*

KA BAKA LEO, E KARE HA MORWA (JESU) A LE LOKOLOTSE E TLA BA LE LOKOLOTSOE KA SEBELE *John 8:36.* 'ME JOALE SEBE SE SE KE SA BUSA 'MELENG EA LONA E SHOANG *Rom. 6:12.* HOBANE SEBE SE KE KE SA LE BUSA *Rom. 6:14.* MOLAO OA MOEA OA BOPHDELO, O LENG HO JESU KRESTE, O NKHOLOTSE MOLAONG OA SEBE LE OA LEFU. *Rom. 8:2.*



HO SE LUMELE SEBE SE SEHOLO *Johane 16:8, 9*


## KE MANG EA TLA NOKOLLA?



KAHLOLO EA SEBE




Joaleka ha Moshe a ile a fanyeha noha feelleng Mora oa Motho o tla fanyehoa



joalo: hore e mong le e mong ea lumelang ho Eena a se ke a timela, a mpe a be le bophelo bo sa feleng.  
*Johane 3:14*

JESU O JERE LIBE TSA RONA 'MELENG OA HAE SEFAPANONG  
*I Petrose 2:24*

Tokoloho sebeng ka Jesu



## KE LEBOHA MOLIMO KA JESU KRESTE

*Ba-Roma 7:25*



LEFU LE METSITSOE KE HLŌLO  
*I Ba-Kor. 15:51-57*